


den vñ ligenden / so darff kein teill des stollens vnderstützē / dan allein dises / so bey dē müdloch ist / darüb dz da selbig noch nicht veste stein seindt / so aber der gang schnärtig ist / auch die stein des hangendē oder ligendē weich / so darff der stollen vieler vnd vester gebeuwen / die also geschähē. Erstmalen werden zwey gesteng / welcher beydes rund ist / auff dem boden des stollens ein wenig außgehauwen / in die erden gesteckt / auffgericht / dise seindt zimlich dick vnd so hoch / das sie dem gübell des stollens gar nach mitt jhren iochen erreichen / die in die gfiert außgehauwen seindt / darnach ob jnen wirt ein rond donholz eingesezt in welchs die iocher der gestengē eingeschlossen werden / das vnder wider die iocher des anderen donholz / zü gleicherweisz werden sie in das gfiert so außgehauwen in die seulen geschlossen / zü einer jettlichem weitre aber / die anderhalb laster in sich begreiff / wirt ein solch gebeuw auffgericht. Die bergkleut aber heissend ein ietlichs ein thörlin / darumb das ein offner zügang sey / vñnd fürwar so es die noth erfordert / werdē thüre zü ein jettlichen thörlin gesteng angehenckt / das sie zügeschlossen mög werdē / darzū werden auch beum so zerhauwē od derē schwartē / vñ zwar sölicher lēge / die vō ein thörlin züm anderē mag langē / den oberē donhölzern außgelegt / vñ in die seiten gethon / damit nicht ein stuck so vō übrigen bergk hernider fellt / mitt seinē last den durchgang verhindere / oder so sie hinein / oder hinaus farē / zerknütsche: das auch darzū die gestenge vest bleybend / so werdē zwüschen jnen / vñ die seiten des stollens hülzene nāgel gschlagen. Zum letsten so die erdt oder stein schollen mitt dem karren her außgeführt werdē / so legt man brett züsāmen gmacht / auff die stegen / so den hunden zwey gestengē einer spannen dick vnd breit / welche an disem teil do sie züsāmenghondt außgehauwē werdē / das in dem gleiß / wie in ein gwüssen weg / die leitnāgell der hunden mögendt furclaffen / mitt welchen leitnegell / das verhütet wirt / das nicht die hundert / von dem gebandte weg / das ist auß der gleiß zür rechten oder zür lincken abweichen / ja auch eben vnder den stegen / werden wasser seige gleit / durch welche das wasser her auß lauffe.

Seulen B. Die oberen donhölzer B. Stege C.  
Thüre D. Schwarten E. Wasserseige F.



b 3 28